

ORDENANZA FISCAL Nº 12

REGULADORA DA TAXA POLA EXPEDICIÓN DE DOCUMENTOS ADMINISTRATIVOS

Artigo 1. Natureza e fundamento

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, e de conformidade co disposto nos artigos 15 e seguintes do Real Decreto Legislativo 2/2004, de 5 de marzo, que aproba o Texto Refundido da Lei reguladora das Facendas Locais (TRLRFL en diante), este Concello acorda a imposición e ordeación da TAXA POLA EXPEDICIÓN DE DOCUMENTOS ADMINISTRATIVOS.

Artigo 2. Feito imponible

1. Constitúe o feito imponible da Taxa, a actividade administrativa desenvolvida con motivo da tramitación, a instancia de parte, de toda clase de documentos que expida e os expedientes de que entenda a Administración ou as Autoridades municipais.
2. Para estes efectos, entenderase tramitada a instancia de parte calquera documentación administrativa que fora provocada polo particular ou redunde no seu beneficio aínda que non mediara solicitude expresa do interesado.



- Non estará suxeita a esta Taxa a tramitación de documentos ou expedientes necesarios para o cumprimento de obrigas fiscais, así como consultas tributarias, os expedientes de devolución de ingresos indebidos, os recursos administrativos contra resolucións municipais de calquera índole.

Artigo 3. Suxeito pasivo

Son suxeitos pasivos desta Taxa en concepto de contribuintes, as persoas físicas ou xurídicas e as entidades a que se refire o artigo 35.4 da Lei 58/2003, de 17 de decembre, Xeral Tributaria que soliciten, provoquen ou que teñan un interese no que redunde a tramitación do documento ou expediente de que se trate.

Artigo 4. Responsables tributarios

- Serán responsables solidarios das débedas tributarias as persoas ou entidades a que se refire o artigo 42 da Lei 58/2003, de 17 de decembro, Xeral Tributaria.
- Serán responsables subsidiarios das débedas tributarias as persoas ou entidades a que se refire o artigo 43 da lei 58/2003, de 17 de decembro, Xeral Tributaria.

Artigo 5. Cota tributaria

A cota tributaria determinarase por unha cantidade fixa sinalada segundo a natureza dos expedientes ou documentos a tramitar, de conformidade coas seguintes tarifas:

Troco titularidade de establecementos	30,00 €
Licencia Municipal mercadiño e a súa renovación anual	37,40 €
Bastanteo de poderes	25,00 €
Sinal numerada de vado	11,23 €
Dereitos de exame para participar en procesos selectivos de provisión definitiva do persoal ó servizo do Concello:	
• Grupo A ou asimilado	30,00 €
• Grupo B ou asimilado	20,00 €
• Grupo C ou asimilado	15,00 €
• Grupo D ou asimilado	12,00 €
Informes da Policía Local relativos a accidentes de tráfico	70,00 €
Informes da Policía Local relativos a intervencións policiais, agás as derivadas de accidentes de circulación	30,00 €

Artigo 6. Exencións e bonificacións

Non se concederá exención ou bonificación algunha na exacción da presente taxa.



Artigo 7. Devengo e período impositivo

1. Devéngase a taxa e nace a obriga de contribuir cando se presente a solicitude que inicie a tramitación dos documentos e expedientes suxeitos a tributo.
2. Nos casos ós que se refire o artigo 2.2 desta Ordenanza, o devengo prodúcese cando teñan lugar as circunstancias que provean a actuación municipal de oficio ou cando esta se inicie sen previa solicitude do interesado pero redunde no seu beneficio.

Artigo 8. Xestión, liquidación e recadación

1. As taxas reguladas nesta Ordenanza esixíranse en réxime de autoliquidación, as persoas interesadas na tramitación do expediente ou documento que constitua o feito imponible desta taxa, presentarán previamente no Rexistro Xeral a oportuna solicitude, acompañando o xustificante de ter pagada a taxa correspondente, sin cuio requisito non será tramitado o mesmo.
2. Os escritos recibidos polos conductos a que fai referencia o artigo 38.4 da Lei 30/1992, de 26 de novembro, que non veñan debidamente reintegrados, serán admitidos provisoriamente, pero non se lles dará curso sen que se corrixa a deficiencia, para o que se requerirá ó interesado co fin de que, no prazo de 10 días aboe as cotas correspondentes co apercibimento de que, transcorrido dito prazo sen efectualo, teranse ditos escritos por non presentados e será arquivada a solicitude.
3. As certificacións ou documentos que expida a Administración Municipal a petición dos xulgados ou tribunais para toda clase de preitos, cando sexan probas propostas a instancia de parte, non se entregarán nin remitiran sen que previamente non se aboara a correspondente cota tributaria.

Artigo 9. Infraccións e sancións

No relativo á cualificacións de Infraccións Tributarias, así como ó relativo ás sancións que correspondan en cada caso, estarase ó disposto na Lei 58/2003, de 17 de decembro, Xeral Tributaria.

DISPOSICIÓN FINAL.

A presente Ordenanza Fiscal entrará en vigor e será de aplicación, unha vez aprobada con carácter definitivo polo Pleno do Concello, ó día seguinte da súa publicación no Boletín Oficial da Provincia, permanecendo en vigor ata a súa modificación ou derogación expresas.

